

廣州大典

陳建華 曹淳亮 主 編

廣州大典

61

第四輯·嶺南遺書
第三冊

廣州出版社

目錄

第三集

崔清獻公集五卷

宋崔與之撰 一

崔清獻公言行錄三卷

宋李肖龍撰 三五

羅浮志十卷

明陳槿撰 四七

小學古訓一卷

明黃佐撰 九五

龐氏家訓一卷

明龐尙鵬撰 一一〇

昭代經濟言十四卷

明陳子壯撰 一一八

周易爻物當名二卷

明黎遂球撰 三一二

正學續四卷

清陳遇夫撰 三八三

史見二卷

清陳遇夫撰 四六八

迂言百則一卷

清陳遇夫撰 四九三

嶺南遺書
第三集

嶺南遺書
卷之五
五

嶺南遺書
卷之五
五

崔清獻公集卷一

嶺南遺書

增城 崔與之 王維樞

奏劄一

第三次辭免祕書少監

嘉定十二年

朝散郎新除祕書少監崔某狀昨準恩命除祕書少監控辭不獲祇命而行途中偶觸風寒宿疾大作輒上丐祠之請伏準省劄備奉聖旨不允依已降指揮疾速前來供職舟行聞命臨深益危伏念某碌碌州縣庸材耳低飛逐食若將終身頃自朝廷更化之初開明公道收拾滯材凡抱寸長皆得自見某誤蒙蒐獵猥備驅馳方擁州麾便持憲節入登郎省出領帥藩引之深淵之中置之層霄之上偏

崔清獻公集卷一

廣雅堂校刊

方寒士遭遇明時前此所未有也惟是乘邊滋久用力徒勤計治罔功黜幽有典忽拜清除之目晉陪中祕之游雖公朝以其病而優之豈庸流所敢夢而到此蓋名者造物之所甚惜得之非據鬼神害盈疾疾相陵視昔尤甚帝鄉在望引足千鈞歸心動搖萬想俱息亟上祈閒之請沂江而西舟行以風爲程望日寢遯繼承明命復闕俞音仰窺寬大之仁未有棄捐之意停耀江滸趨赴且行感厚恩勉強而欲前策病骨虺隤而莫進不免披露忱款籲天哀鳴期得請而後已某非不知瀆尊有罪方命有誅輒以螻蟻之賤疊犯雷霆之威茲豈得已欲望朝廷察此孤危之惻檢照前申特賜敷奏畀以真祠庶幾歲月之小休實獲乾

坤之大造他時應有繁難委使誓當一死以報萬分除已扶病迤邐取道江西度嶺而歸聽候從欲之命疊冒威嚴罪不容貸奉聖旨依屢降指揮不允仍疾速前來供職

辭免兼國史檢討官

嘉定十二年

朝散郎新除祕書少監崔某狀三上丐祠之請奉聖旨依屢降指揮不允仍疾速前來供職續準省劄備奉聖旨李大東兼詳定敕令官崔與之兼國史院編修官兼實錄院檢討官恩出殊常驚心汗背某竊惟君命至重出必惟行臣之事君生死惟命此古今不易之大義也避事者或欺僞以自便要譽者或矯激以爲高方命之誅誠不容貸至如抱病已甚陳力莫勝進無益於絲毫退尙沾於升斗則

崔清獻公集卷一

廣雅堂校刊

情可憫罪可寬也伏念某奔走萬里辛苦一生適值明時猥玷清選顧惟羣玉之府世之耆儒碩學邁武其間者能幾人椎然不文躋有此幸非特一身之寵抑爲五嶺之光自非衰疾出於大不獲已何至棄榮而取辱捨貴顯而就困窮真切之情昭然可見所以喋喋控陳凜凜俟譴不謂俞音竟闕異數還來擢貳道山辭至三而未獲贅員史局俾共二以奚堪蝨負益危鵲梁有媿益求去而得進與辭少而受多於義皆不安進退愈難如臨淵谷某自度纖冗不敢更瀆威嚴仰煩誅斥除已恭稟屢降供職指揮一面扶憊起發前去庶見衰殘之狀乞加審察之公所有續降兼職恩命欲望朝廷特賜敷奏收回成渙庶安愚分 奉

聖旨不允仍疾速前來供職

辭免祕書少監乞赴宣幕

嘉定十年

朝散郎新除祕書少監兼國史院編修官兼實錄院檢討官崔某狀昨已分闕終更召擢自顧衰病有玷恩榮請祠至三已決歸計天高聽邈未賜矜從君命有嚴豈敢違戾只得遵稟回棹而前舟次池口忽覩本州進奏官報狀某蒙江淮宣撫使辟充參謀官雖曰未有被受然已報行今欲遵照屢降指揮徑詣闕庭緣上件辟命已有所聞若冒然而前卽是辭勞而就逸避煩使而覲清游於心實不遑安蓋緣除命在前辟命在後只合申審乞免造朝徑自起幕又恐伺候回降必是遲延今來殘虜寇邊義當體國豈容踟躕其行雖風雨未霽今已一面順流東下徑趨京口聽候指揮遵守施行 準省劄勘會已降指揮同知樞密院事曾某已除參知政事劄付新除祕書崔少監遵依元降指揮疾速前來供職仍具知稟起發狀申樞密院尙書省

祕書少監乞補外

嘉定十年

朝請郎祕書少監崔某狀昨者久戍罔功僥倖善罷自知無用於世決意南歸三請弗從幡然祇命庶見凋殘之狀必蒙矜憫之私敢圖誤恩俾塵清綴叨榮踰分福謝災生頭風之疾已深時復眩絕每遇朝參月分常有顛沛之虞妄意欲求南中一郡以爲歸計自顧衰謝無能固不足以

任劇若爲朝廷牧養細民或可勉強爲之伏念某守邊五年服勤萬狀及茲末路困悴自憐南州事簡民淳得少休息是亦閔勞均逸之意欲望朝廷特賜敷奏畀以南中家便州郡差遣用榮其歸實出天地生全大賜 奉聖旨不允

辭免除祕書少監

嘉定十年

朝請郎試祕書少監崔某狀伏準省劄奉聖旨崔與之除祕書監程倬除祕書少監內有兼職人依舊某自天聞命無地措身伏念某孤立疇依冥行自信少負桑蓬之志徒有壯懷晚爲稻粱之謀寧無媿色茲解雲中之戍忽塵天上之班恩重難酬器盈易覆俗眼方窺於藏室孱軀已入於病坊求小壘以便私屢希由中之款晉大蓬而增寵返登最上之顛在儒生可謂至榮豈陳人所宜冒處而况一身如寄百恙相陵儻貪戀於目前必狠狽於日後伏望朝廷檢照累申事理特賜敷奏改畀家便州郡差遣以保全其末路實出大造生成之賜所有省劄未敢祇拜 奉聖旨不允

再辭免除祕書少監

嘉定十年

朝請郎試祕書少監崔某狀昨具辭免祕書監除命伏準省劄奉聖旨不允某恭承訓飭倍切凌兢自度纖微安敢煩瀆而理有未安情有未孚不免冒昧控陳竊惟漢以蓬山萃四方之名流唐以瀛州極一時之妙選當世以爲盛

事後人又爲美談逮我國朝尤重茲選自非選學異才清修雅望豈容濫廁其間是以人才輩出前後相望實爲他時峻用之儲某昨被殊恩俾塵少列舜避弗獲循省自危猶曰管領英游有長在焉今大蓬之席旣虛宜得鴻碩之彥爲斯文重豈伊庸陋有此倖踰清朝以其病而優之諸儒問何來而至此得之非據凜不自勝儻或冒居祇自速戾亦緣某分量盈滿衰病侵陵所患頭風已成不治之疾日來又苦脾泄醫療月餘尙未平愈飲食全減肌肉頓銷日夕懷歸但作首邱之想而已輒犯嚴誅洵伸危懇欲望朝廷閱其凋瘵之狀察其真切之情檢照前申特賜敷奏曲從丐外之請以全其末路則生成之賜大矣所有省劄

崔清獻公集卷一

五

賜雅堂校刊

未敢祇拜 奉聖旨依已降指揮不允

辭免除兼太子侍講

嘉定十年

朝請郎試祕書監崔某狀伏準省劄備奉聖旨崔與之兼太子侍講間命自天措躬無地竊以三代仁而且久皆由教法之明一時賢而有才方預儲僚之選治平中如陳薦孫固尙不符於衆望紹興間惟范仲朱震斯可副於眷懷顧如勸講之員尤爲進德之助伏念某性資愚陋學術荒疎西崑方媿於首登東禁又叨於末屬會無一之足取俾共二以奚堪况秉德溫文已著星輝之象而執經啟迪要宏日就之功某惟何人冒居此職儻或乖於辭受恐難免於曠瘼欲望朝廷特賜敷奏收回成渙改畀名流庶允穆

於師言以少安於愚分所有恩命未敢祇拜 奉聖旨不允

辭免除工部侍郎兼同修國史兼實錄院同修撰

嘉定十年

朝請郎試祕書監兼太子侍講崔某狀伏準省劄奉聖旨宣繪除吏部侍郎余應符除給事中崔與之除工部侍郎並日下供職續奉聖旨崔與之陞兼同修國史兼實錄院同修撰陟道山之長除墨尙新貳起部之卿絲綸復下叨榮踰分履薄驚心竊惟冬官事簡而職清天子眷隆而選重五材是飭不徒技巧工匠之咸精九門旣通要在獻納論思而有益茲爲顯擢宜得名流伏念某奮自遐方軫然

崔清獻公集卷一

六

賜雅堂校刊

孤進寸長無取不過碌碌州縣之才多病相深但作栩栩田園之夢不圖末路有玷清班誤恩深媿於便藩投老力求於閑散忽晉大蓬之峻復從少海之游陞亞藝官俾聯法從曾未數旬之頃曩此三命之榮念時事方殷惟備械修車以爲急務而帝簡有在豈簪筆持橐以爲美觀况史才自古爲難雖宿學有詞莫措茲聖經方襲六以爲七非陋儒可共二而兼三反覆以思凌兢而懼欲望朝廷敷奏收回成命改畀時髦俾得遂於歸心庶少安于愚分所有恩命未敢祇拜 奉聖旨不允

辭免除煥章閣待制知成都府本路安撫使

嘉定十年

朝請郎權尙書工部侍郎兼同修國史兼實錄院同修撰

崔與之奏伏準省劄奉聖旨崔與之除煥章閣待制知成都府本路安撫使填見闕臣聞命自天驚心汗背伏念臣碌碌州縣庸才爾奔走四方未嘗擇地以勤掩拙實倍其勞致蒲柳之易凋桑榆之浸晚加以多病日就衰殘丐閑便私欲全晚節不謂非常之寵濫及無聞之人起部陞班禁塗接武平時敢作此夢耶方此凌兢莫知所措益部謀帥弄印久之復俾庸虛濫膺其選以清廂候對之職光賁其行誤恩便藩竄爲異數力綿任重殆將壓焉蜀居江漢上游而成都實爲根本重地必碩德雅望而後可以鎮服人心必遠識長材而後可以應酬事變一道蕃宣之寄全在得人承平無事猶重所遷厥今邊聲未寂時事方殷其

崔清獻公集卷一

蜀道安撫使

可嘗試之乎况天下之事要須中外相應大小相維而後有濟蓋中外當如一家貧富休戚實同其責而勢不可不相屬也大小當如一體疾痛癢皆切於身而情不可不相孚也臣一介奇窮過蒙獎拔東西惟命其敢辭難義所當爲死且弗顧但恐蟬蟻無援孤立於萬里外設或中外勢不相屬大小情不相孚或致誤事一身獲戾何足深計而事體關繫利害非輕儻辭避之或稽必顛躋之立見欲望聖慈察其真實之惻收回成渙改畀長才俾臣退奉眞祠獲全末路實出洪造生全之大賜 奉聖旨不允

辭免除四川制置使

嘉定十年
五年

朝請郎煥章閣待制知成都府本路安撫使暫權四川宣

撫司職事崔與之狀奏臣猥以衰遲誤蒙簡拔俾專益邵牧民之寄詎勉服役一載而羸力鈍事叢絲髮無補方圖旦夕上新閑之請適宣閫虛次以印來歸不免從權收管以安人心以俟朝命繼準聖旨指揮令臣暫權宣府職事君門萬里控避無從緣時暫攝職不敢煩褻有請茲承誤恩畀以制垣之重寄加之延閣之隆名揣分非宜捫膺自懼厥今時事孔棘邊聲未寧剗肉成瘡有根本先撥之慮張頤待哺有樵蘇後爨之憂况二虜之相持正三邊之急勢成危證命繫良醫豈繫不根之蹤可任于蕃之責欲望聖慈俯憐眞惻收回成渙改畀名流俾臣仍舊時暫權宣撫司職事聽候差除正官施行庶幾仰寬顧憂下安愚

崔清獻公集卷一

八

蜀道安撫使

分所有恩命未敢祇拜 奉聖旨不允

四川制置使

嘉定十年
六年

煥章閣直學士朝散大夫成都潼川府夔州利州路安撫制置使兼知成都軍府崔與之狀奏臣嶺海寒士遭值昌明更化十有六年之間擢從冗散躋升禁塗恩數便蕃眷簡隆厚銘膚鏤骨誓效糜捐昨自被命入蜀誰不以上下和衷爲難臣亦以爲難而義不容辭也再命護蜀誰不以表裏壞證爲憂臣亦以爲憂而義不容辭也君命有嚴冒茲遠役三邊責重四路事繁自顧衰遲了無能解惟有一誠體國恃天而行外而二三蚌鷸之相持上賴國威邊聲稍息內而十萬貔貅之待哺仰憑天意歲事薦登而况聖

度寬洪有求斯答廟謨堅定可守而行履壽所加譴訶未及方圖末路益勵初心緣臣蒲柳之姿一生勞苦老而易衰福過災生百病交作近來頭風發動甚於常時呻吟叫號痛刺如破加以心忡健忘肌肉盡銷殘息如絲旦暮人耳臣非不知委身報國臣子職分而邊關重寄安危所關萬里奔馳一生勞勩綿力窮而不可強倖事多而不可常况抱病已深恐誤國事伏望聖慈憐其久戍察其危衷亟選長材來爲臣代賦臣祠廩俾待終於衡茅實出天地始終生全之賜 奉聖旨不允令學士院降詔

辭免召赴行在

嘉定十六年

六月十一日三省同奉聖旨崔與之召赴行在其四川安

崔清獻公集卷一

九

蜀雅堂校刊

撫制置命鄒孟卿時暫權續申鄒孟卿致仕奉聖旨崔與之候有四川制置使正官到日起發赴行在奉聖旨鄭損除寶謨閣待制四川制置使兼知成都府填見闕崔與之候正官到日起發赴行在自天聞命無地容身伏念臣老矣一行淒其萬狀惟知盡瘁不敢辭勞方泝峽建西州之牙復度劒守北門之鑰風霜刮面歲月壓頭以衰朽垂盡之年得殘廢不治之疾老而懷土窮則呼天飛章丐閑蒙恩賜召朝廷未有棄捐舊物之意臣子豈無貪戀明時之心百恙相陵一衰不貸頭欲破而掣痛不已心如啄而健忘尤深氣體支離精神昏憤年事既去世念已灰亟尋清都香火之緣敢作禁街鐘鼓之夢惟求趣代早遂生還伏

望聖慈憫臣久勞憐臣久病鑒此由衷之請俾之奉祠而歸春水未漲而出瞿塘天氣未炎而入庾嶺庶幾末路可畢餘生悉出天地始終生全之大賜 奉聖旨降詔不允

崔清獻公集卷一

十

蜀雅堂校刊

崔清獻公集卷一

譚瑩玉生覆校

崔清獻公集卷一

嶺南遺書

增城 崔與之 正子撰

奏劄二

辭免禮部尙書 嘉定十七年

煥章閣直學士朝請大夫成都潼川府夔州利州路安撫制置兼知成都軍府崔與之狀奏臣昨準省劄坐奉聖旨崔與之召赴行在尋具辭免伏蒙降詔不允臣再具奏間續准御前金字牌遞到御寶封劄子奉聖旨崔與之除權禮部尙書候正官到日交割前來供職臣聞命自天措身無地竊惟舜命秩宗以典三禮益取僉言周建春官以諧萬民最號清選凡屬亨嘉之運必嚴禮樂之司雖曰攝承

崔清獻公集卷一

陽雅堂校刊

詎容輕受伏念臣丹心體國白首戎邊捫參井以西馳老懷猶壯指褒斜而北戍綿力易疲屢引病以丐閑忽蒙恩而賜召方堅控避遠玷褒除鈞天九奏之音夢寐不到文昌六星之象心目還驚况無橫草之勞復有採薪之疾奄奄殘息凜凜危衷伏望聖慈憐臣桑榆之景無多察臣樛櫟之才焉用收還成命改賦真祠俾首邱得遂於初心庶末路可全於晚節所有恩命未敢祇受 奉聖旨不允令學士院降詔仍疾速前來供職

再辭免禮部尙書 嘉定十七年

煥章閣直學士朝請大夫前四川安撫制置使崔某狀昨辭免除權禮部尙書乞改畀祠祿繼準省劄備奉聖旨不

允令學士院降詔仍令疾速前來供職聞命自天凌兢失措某既衰且病力丐真祠宜黜而升忽叨顯擢顧六官於禮爲重而八座非賢莫居被寵踰涯捫膺增惕與辭雖切俞命未頒區區血誠不免再有控請伏念某孤陋寒儒起身荒左遭逢盛際猥被使令恩重感深期於報稱南杭海表東涉淮壖西北戍於蜀口苟可勉強未嘗輒辭屬以桑榆浸晚蒲柳易凋宿恙日深百骸柴立去夏一病死而復生雖殘息僅存已成沉痾歸田有請急於投閑天閱其勞獲釋重荷一旦生出三峽已爲過幸常伯清選夢所不到今若扶億貪榮必顛仆於道路伏望朝廷察其危迫之情特賜敷奏賦以祠廩俾待盡于衡茅實出始終生全之大

崔清獻公集卷一

陽雅堂校刊

賜 奉聖旨依已降詔不允不得再有陳請疾速前來供職

第三次辭免除禮部尙書 嘉定十七年

煥章閣直學士朝請大夫前四川安撫制置使崔某護蜀罔功僥倖滿替伏準恩命除禮部尙書尋具辭免丐祠而歸續準降詔不允六月初至岳州再具辭免八月半至靜江府準省劄指揮三省同奉聖旨依已降詔不允不得再有陳請仍疾速前來供職聞命震惕情迫於中輒冒嚴誅瀝血控請竊惟君命召不俟駕於禮固所當然有疾不能造朝其情亦在所閔伏念某天子甚嗇夜行不休入而奉筆橐於清廟出則建牙幢於巨鎮公朝謂其忠實有餘而

材力不逮往往用其長而護其短曲加容覆未底譴訶及其抱病危困又爲除代俾得生還春官攝承更叨清近之選恩隆數異前所未聞感戴鴻私若爲稱塞自當仰體勤歸之意策鈍而前實緣某自壬申歲持嶺右憲節半年行部遍歷瘴鄉因染風眩之疾十有三年矣病根日深遂成沉廢加以多事損心健忘尤甚怔忡自汗通夕不交睫或睡而覺神不附體恍然久之而後定此皆垂亡之證某豈不知命出惟行三瀆有罪自非衰病大不獲已其敢煩褻徒自速辜伏望朝廷念某平生勞苦之蹤末路凋殘之狀察其真切由衷之懇特爲敷奏畀以祠祿實出生全之恩奉聖旨依屢降指揮不得再有陳請仍疾速前來供職

第四次辭免禮部尚書
實慶元年

三

粵雅堂校刊

煥章閣直學士朝請大夫前四川安撫制置使崔某狀昨者第三次辭免權禮部尚書除命伏準省劄奉聖旨依屢降指揮不允不得更有陳請仍疾速前來供職自天間命震懾于中勢分有嚴其敢屢瀆某竊惟父母之命人子固不可違而人子有疾父母亦復憂之仰恃鴻造生育之恩冒罪以請伏念某西陲解戍衰病相乘暮鳥急於投林纔出三峽卽渡洞庭汭瀟湘取道桂林而歸萬里修途適值劇暑逮入五嶺秋令已深正當風瘴之時久客乍歸易於衝感宿恙爲梗甚於前時自顧弱植孤根去鄉井十有三年頽齡已邁方幸生還而臥病不能出門戶趣行有命扶

億莫前自惟平生奔走四方王事盡瘁惟有一誠體國至於神疲力竭而後已未嘗輒辭况春官最爲清近之選血氣雖衰豈無得心而奄奄垂盡之餘陳力有不容強累具控辭出於眞實不敢一語欺天肺肝吐露已盡高而弗聞日夕懷懼欲望朝廷稔念衰蹤特爲敷奏畀祠祿休養病軀如或稍可支持誓當糜捐圖報不敢辭也 奉聖旨依屢降指揮不允仍日下前來供職具已發日申尚書省

辭免除顯謨閣直學士知潭州湖南安撫使
實慶元年

煥章閣直學士中奉大夫前四川安撫制置使崔與之狀奏伏準省劄奉聖旨崔與之除顯謨閣直學士知潭州湖南安撫使填闕令所在軍州差撥兵級三十人津發疾速

崔清獻公集卷二

四

粵雅堂校刊

之任候任滿前來奏事恍承誤渥深切驚心歸班之命屢辭方茲俟譴予郡之恩繼下復爾叨榮雖大造曲成而不遺顧小器已盈而自懼伏念臣樸忠素守艱阻備嘗惟四方奔走投老而不休故百恙侵陵乘虛而爲梗五年守巴蜀自知駑力之窮六月汭瀟湘已決孤邱之計陛下嗣登大寶勉思遠圖勵精方新進德不已親近正人以新聖學招來名彥以興治功當此天日清明之初誰無風雲依乘之志况臣起身遐壤荷國厚恩先皇帝拔臣於冗散之中徑躋清近聖天子召臣於歸休之後不容控辭茲實意之上孚忽溫言之下逮長沙巨屏猶付重權延閣穹班更陞華直仰見公朝未忍棄捐之意徒有末路不堪驅策之憂

緣臣暮景相催宿病尤甚秩宗事簡尙不能一望於清光連帥責叢其何以仰當於隆委自顧衰殘之狀實深顛踣之虞欲望聖慈察臣愚惴界臣祠祿俾養病於田里免速斃於道途儻溝壑之未填或涓埃之可報所有省劄未敢祇拜 奉聖旨不允令學士院降詔

辭免知潭州湖南安撫使寶慶元年

煥章閣直學士中奉大夫前四川安撫制置使崔某狀昨準省劄指揮崔某除顯謨閣直學士知潭州湖南安撫使等具辭免奉聖旨不允令學士院降詔聞命自天驚心汗背某投老多病屢申懇以丐祠求退得還復蒙恩而予郡叨榮非據履薄自危伏念某起自炎陬蜉蟻無援清朝拔

崔清獻公集卷二

五

蜀雅堂校刊

士取之疎冗無聞之中猥玷使令寢階通顯可謂遭逢之幸粵從西戍抱病支離息影窮閣庶便休養不圖誤渥下賁衰蹤六卿峻除方力辭而得請九牧重任俄寵數之還來洪私倍費於生成弱植豈勝其負荷亟騰免牘尙闕俞音某自惟冉冉殘齡駸駸謝事一衰已甚百病相乘名曰頭風積成奇證每一發動與死爲謀加以心病日深形骸柴立十目所共見也長沙據上流之雄事任甚重詎容久闕正官欲望朝廷特賜敷奏別選名流以副隆委載念某自去春益昌解印之後將及二年衰病無能爲役而又未能忘祿哀鳴屢矣情詞已窮併乞垂憐畀以祠廩抑亦見聖代始終保全老臣之意 奉聖旨依已降詔不允不得

再有陳請

再辭免知潭州湖南安撫使寶慶二年

煥章閣直學士中奉大夫前四川安撫制置使崔某狀昨準省劄指揮除顯謨閣直學士知潭州湖南安撫使填見闕卽具辭免準降詔不允等再具辭免奉聖旨依已降詔不允不得再有陳請某聞命自天不勝震懼竊惟令出惟行稽留有罪亟當遵稟其敢重違而情迫于中有不容自默者伏念某碌碌庸才屢膺煩使鞠躬盡瘁不敢告勞淮蜀十年技窮力屈投老多病僥倖終更歸伏衡茅庶便醫藥公朝矜念舊物寵數狎來闕寄非輕猥叨顯擢自惟荷國厚恩愧未有以補報頭顱至此而猶有未忍棄捐可謂

崔清獻公集卷二

六

蜀雅堂校刊

衰晚遭逢之幸仰惟初政清明求士如渴何物冗陋首玷榮除恩重感深若爲稱塞自應驅馳而往圖報萬分而日暮弛墮莫任鞭策疊具辭免尙未矜從惟有凜凜自譴而已嘗聞士大夫保初節易保晚節難方精力強盛之年銳志事功東西惟命而不辭隨其所長皆可展布以自見及其老也精力既衰非惟不足以任事必至廢事且誤事也國家以忠厚之意待士大夫制爲祠宮之廩庸示優恩或老而丐歸或病而求養或久勞而欲均休俾之少遂安閑而又不失寸祿以保全其末路忠厚之至也區區危惴冒罪控陳欲望朝廷察其情信其言檢會累申特賜敷奏曲從所欲頂踵生全之恩大矣 奉聖旨除寶謨閣學士依

所乞提舉西京嵩山崇福宮任便居住

辭免除寶謨閣學士

寶慶二年

煥章閣直學士中奉大夫新除提舉西京嵩山崇福宮增城縣開國伯食邑九百戶賜紫金魚袋崔與之狀奏伏準省劄奉聖旨除寶謨閣學士依所乞提舉西京嵩山崇福宮任便居住臣均佚琳宮忽被予祠之寵陞華奎閣更叨進職之榮異數便蕃危衷震惕伏念臣受材庸下遭時盛明通籍九門入簾清廂之邃分符萬里出臨巨屏之雄計洽罔功黜幽有典荷公朝用其長而護其短至末路憐其病而全其歸陟之文昌六聯之峻班繼以元戎十乘之重寄恩加頂踵感至涕洟屬初政之方新撫孤蹤而欲躍驥

律清獻公集卷二

七

國朝雜錄

雖老而伏櫪尙欲加鞭鶴已病而乘軒何堪受甲自嘆桑榆之景但傾葵藿之心未酬大恩徒抱遺憾輒布投閑之悃深虞方命之誅忱辭旣字淵聽甚邇簪履不遺於舊物絲綸更侈於新除祠官得請以爲榮銘心知幸學士爲真而非據踣躅難勝儻辭受之或乖則顛隲之立見上件宮祠指揮臣除已恭稟遙謝祇受訖所有寶謨閣學士恩命未敢祇拜欲望聖慈收回誤恩庶安愚分實出天地始終大賜 奉聖旨不允令學士院降詔

辭免除煥章閣學士

紹定元年

寶謨閣學士新除提舉南京鴻慶宮南海郡開國侯食邑一千二百戶賜紫金魚袋崔與之狀奏伏準省劄備奉聖

旨崔與之除煥章閣學士提舉南京鴻慶宮任便居住恭承明命震惕于中伏念臣一介寒生受資綿薄遭逢盛際猥玷使令入從出藩忝竊過分矢心自勵仰答鴻私而歲月壓頭老且病矣屈伏衡茅之下待盡爲期公朝未忍棄捐賦以無功之祿全其末路麋鹿得遂山林之性鳬雁猶爲稻粱之謀進職再祠肆頒成渙固知真庭清適所以佚老之優自揣非才實深危懼况煥章遂閑地禁職清以待當世名彥尤非衰朽所宜冒居陛下垂憐簪纓舊臣雖不堪世用而眷遇有加踣躅難勝凜乎維谷上件宮祠指揮臣除已恭稟遙謝祇受訖所有煥章閣學士恩命未敢祇拜欲望聖慈收回誤渥俾臣仍舊職以奉祠實爲至幸

律清獻公集卷二

八

國朝雜錄

奉聖旨不允

辭免知隆興府江西安撫使

紹定元年

煥章閣學士中大夫提舉南京鴻慶宮崔與之狀伏準省劄備奉聖旨崔與之差知隆興府充江西安撫使填見闕令所在軍州差撥兵級三十人津發疾速之任候任滿前來奏事自天間命無地措躬不圖垂盡之年猥被殊常之寵伏念某起身嶺海疎拙亡奇早遇眷知誤蒙器使四方于役一毫罔功紫囊高華致身法從偏方寒士有此榮逢銘之肺膺勉思報稱而器盈斯溢福過爲災自蜀一病之後生意蕭然不堪世用遂決歸休之計朝廷矜念舊物恩渥還來庸彰異數六卿近綴屢趣歸班十連重權繼叨顯

擢雖驚力莫勝於負荷而鴻私曲費於生成寵之奎閣之
隆名賦以琳宮之清祿投老多幸天實假之惟是年事日
益高病勢日益深百念俱灰但作首邱之想某官簿之年
七十矣方圖有請求致其事以畢此生忽奉恩綸畀以南
昌分閫之寄事出非望恍然驚心仰感眷遇不衰之意而
頭顱如許來日幾何殘息如絲朝不保夕實非驅馳王事
之時鐘鳴漏盡夜行不休必顛仆而後已凌兢失措披瀝
控陳欲望察其樸實之情全其晚暮之節收回誤恩許某
守本官職致仕實出始終保全之大賜所有省劄寄畱廣
州軍資庫未敢祇拜伏望朝廷更爲敷奏施行 奉聖旨
不允仍依已降指揮疾速之任令學士院降詔

崔清獻公集卷二

九

嶺南遺書校刊

崔清獻公集卷一

譚瑩玉生覆校

崔清獻公集卷三

增城 崔與之 正子撰

嶺南遺書

奏劄三

再辭免知隆興府江西安撫使

紹定三年

煥章閣學士中大夫提舉南京鴻慶宮南海郡開國侯崔
某狀昨準省劄備奉聖旨崔與之除知隆興府江西安撫
使尋具辭免奉詔書不允趨趣之任仍具已起發及到任
月日申某聞命震懼局脊不安君命有嚴其敢再瀆而事
出危迫情有未孚不免冒罪摺陳伏念某平時奔走四方
未嘗擇地才雖弗逮而力可往東西惟命不敢辭也玩愒
既久痰疾相仍天閔其勞俾遂閑適清泉白石方托此生
畫棟朱簾忽形於夢自惟一生荷國厚恩愧未有以補報
雖老不堪用而猶未忍棄捐所願祇命而前仰答知遇自
嘆頽齡易暮弱植難扶雖有拳拳體國之心而力不容強
亟馳免牘尙閔俞音偃僂循牆恍然失措固知一路蕃宣
之寄其責非輕自度衰殘若爲勝任頃年頭風之疾秋冬
爲甚今發作無虛日自早晨爲其所苦食後方少定若遇
風寒則終日奄奄無復生意甚至攻注面目牽引口齒呻
吟不已繼以叫號年事至此能再少再壯乎使之臨事非
惟無益於事必至誤事投老獲戾一身何足惜而大體所
繫其可不自量耶某去冬因往外邑營一歸藏之地抱病
而歸幾於不救今若扶僮出嶺四千里行役道途衝涉祇

崔清獻公集卷三

十

嶺南遺書校刊

自速斃而已六年蒙免老之恩自謂微生之幸一旦獲方命之罪徒爲末路之羞反覆以思朝夕凜凜勢不獲已輒露忱悃渚干雷霆之威欲望朝廷察其真切之情特爲敷奏俾從所欲併乞檢照前申許致其事庶幾瞑目牖下得爲聖代全人一髮寸膚盡出終惠 奉聖旨除徽猷閣學士提舉南京鴻慶宮任便居住

辭免徽猷閣學士

紹定三年

煥章閣學士中大夫提舉南京鴻慶宮崔某狀伏準省劄備奉聖旨崔與之除徽猷閣學士依所乞提舉南京鴻慶宮任便居住恭承明命震惕于中義有未安情不容默伏念某一從家食六閏歲華耄矣無能衰而且病犬馬雖未

清獻公集卷三

三

學雅堂校刊

填於溝壑綿力已窮麋鹿得自遂於山林妄心盡息公朝念其西清簪橐之舊畀以南昌鼓角之雄頭童齒豁以何裨鐘鳴漏盡而焉往輒辭二千石真符之寵併上七十歲謝事之章有方命之罪而不忍加刑無効官之勞而又從受祿珍臺續食借曰憐其老而優之奎閣陞華或者謂何功而得此孤首邱而已幸蟲負山而益危辭受或乖顛隲立見上件宮祠指揮除已恭稟遙謝祇受訖所有徽猷閣學士恩命未敢祇拜欲望朝廷特爲敷奏收回誤渥俾仍舊職以奉祠實出始終大賜 奉聖旨降詔不允

乞守本官致仕

紹定五年

徽猷閣學士大中大夫提舉南京鴻慶宮崔與之狀奏不

避嚴誅輒有由衷之懇仰塵淵聽臣竊惟七十致仕禮之經也昨嘗引年告老期畢此生適有南昌分閫之命自顧衰頹不堪驅策疊具控免幸獲矜從然猶未忍棄捐畀之祠廩強顏祇命終不遑安伏念臣天外寒蹤人閒棄物一衰甚矣百恙乘之踐歷何功貪饕有忝茲迫桑榆之晚尙煩芻豆之供陛下眷遇舊臣每加優異而人臣出處大節要自省循已踰謝事之期徒負空餐之刺可止而不知止此心得無嫌乎况久病支離僅存殘息養病牖下生意蕭然及此明時得遂乞骸之願瞑目可無憾矣欲望聖慈閱其遲暮之年察其危迫之惻俾臣守本官職致事則末路生全之恩大矣 奉聖旨不允令學士降詔

清獻公集卷三

三

學雅堂校刊

辭免召赴行在

紹定六年

徽猷閣學士大中大夫南海郡開國侯崔與之狀奉伏準省劄三省同奉御筆崔與之李卓鄭性之可召赴行在臣恍聞成命莫知所從不圖垂盡之年猥被殊常之寵省循非據震惕不安伏念臣嶺海不振之蹤衰遲暮景遭際昌齡中外同旋寘身通顯淮蜀遠戍不敢辭勞平生分量薄而僥倖多踐歷深而補報少桑榆易暮蒲柳先秋未醺許國之心已作歸田之夢陛下嗣登大寶擢用舊人秩宗近班三蒙趣召連帥重寄兩玷榮除鴻私兼覆而未忍棄捐驚力告疲而不堪驅策復叨邃閣嚴凝之職得遂清都泮奐之游乞身無從捫膺有媿忽奉起家之命俾爲赴闕之

行居然陳人何自得此眷隆數異前所未聞局脊難勝凜乎維咎伏緣臣流年七十有六老將焉用病莫能興近又爲風邪所中左臂偏枯殘息奄奄朝不保夕自惟拳拳猷畝之中身在外而心王室豈不

奏暫領經畧安撫使知廣州印乞除官代

端平二年春二月九日賊自廣州退遁徑趨肇慶府界經畧司催趣循連南雄州三處戎兵付統制毗富道統率二十三日賊至肇慶城下二十三日攻城官軍小卻二十四日夜賊棄城潛遁官軍追逐至地名冷水坑賊據險設伏以待之官軍輕進墮賊計中遂致失利賊今乘勢盤泊于四會懷集兩縣之境流毒漸廣未有安靖之期三月十二

律清獻公集卷三

四

端平二年三月十二日

日承提刑司遞到御前劄子三月二日三省同奉聖旨崔與之除廣東經畧安撫使兼知廣州臣聞命震驚罔知所措自顧衰殘何能爲役臣仰體陛下時權宜委用之意不敢控辭暫此守印以俟朝命已於當日交領印訖時暫居家治事臣自事變之後百憂熏心宿疾大作深恐有誤使令欲望聖慈亟選素有威望之人或長材敏識稍知方畧者當此重寄遠方幸甚 奉聖旨不允令學士院降詔

奏乞謀帥爲代

端平二年四月十七日

端明殿學士大中大夫廣東經畧安撫使兼知廣州崔與之不避嚴誅輒伸危懼臣十年晦處衰病日侵累疏乞身未遂所欲昨緣惠陽戍卒相挺爲亂肆其跳梁陛下仁不

忘遠上勤顧憂以臣授老里居俾之就守鄉郡以任招撫之責臣仰體陛下時權宜委用之意勉強祇命徒有爲國爲民之心而忘其衰朽自領事之後疲於應酬心疾大作怔忡自汗神思恍然軍期繁興日不暇給遂將廣州職事牒請提舉常平黃晟兼攝以分勞經畧司則牒請提舉市舶管瀛參相幕謀以相扶助今來事日益繁病日益深近又爲風邪所中半身不遂餘息奄奄當此多事之時日夕懷懼不免披瀝肺肝籲天控請伏望聖慈憐臣老命亟賜謀帥以爲代庶免有誤國事 奉聖旨不允令學士院降詔

申山前事宜併牒彭提刑節制諸軍隨宜調遣就行

律清獻公集卷三

五

端平二年五月初二日

督捕事

端平二年五月初二日

端明殿學士大中大夫廣東經畧安撫使兼知廣州崔某照對本司據節次探報申叛賊自四月十四日以後只在懷集縣管下石疆場割泊十九日起離二十二日至大梁村係封州開建縣界並是山徑險峻去處未有向望近準省割降下黃榜如能悔過自新收納器械束身自首依舊軍分收管本司遣軍兵謝興齋黃榜錄本先入賊巢告諭今據謝興回司繳到會忠等遵稟狀稱不願再隸第二將兵籍欲移往別州住劄即是賊徒終懷疑心未易柔服徒以受招爲名而不遵黃榜指揮且有難從之請往返遷延恐爲所誤除已牒提刑司一面照應施行仍將山前諸軍

併請提刑節制隨宜調發就行督捕庶幾事權歸一易於集事今毗富道統制一軍往懷集縣界候江東軍到即自四會進兵會合又慮賊徒勢窮計迫衝突封川開建奔出梧賀州界亦已遣飛虎軍并本司勇敢等軍把截開建一帶以防其竄逸潏浦水軍屯泊四會定海水軍屯泊肇慶以守把江面纔候江東軍至續具別狀供申

奉盜賊寧息乞賜除代

端平二年七月初五日

端明殿學士大中大夫廣東經畧安撫使兼知廣州崔與之照對臣四月間抱病跼危奏乞除代伏準省劄奉聖旨不允令學士院降詔臣恭聞成命震惕于中伏念臣投老里居十有二年矣適今春戎兵倡亂上貽顧憂忽承誤恩

崔清獻公集卷三

本

粵雅堂校刊

俾守鄉郡臣仰體陛下時權宜之意不敢輒辭竊意三兩月間可以結局不謂狂徒自知稔惡終懷疑心招諭不從繼以討捕居然陳人何足以任此披瀝有請天高弗聞正當軍期旁午之時只得扶衰任責應酬百冗癯悴異常今當諸軍會合狂寇盪平亟欲少求休息六月二十一日恭承明詔之頒訓辭有曰旦夕除代有人至而受之事卿乃得即安仰見陛下憐憫老臣委曲撫存之意拜手伏讀感涕交零輒敢吐露危衷冒罪控告欲望聖慈念臣年齡已邁精力已窮亟賜謀帥以爲代庶幾早釋重負以活餘生仍乞趁此明時就令致仕則始終保全之恩大矣

申彭提刑管提舶之功

端平二年七月初九日

端明殿學士大中大夫廣東經畧安撫使兼知廣州崔某照對今春戎兵作逆聲勢鴟張帥閫適虛俾之承乏力綿責重何以克勝自非幕畫得人誰與共濟竊見朝請即提

舉廣南市舶管瀛才識俱高剛正有守遂於三月閒屈其入幕以相扶助繼蒙朝廷特爲敷奏奉聖旨管瀛兼經畧司參謀官荷其以國事爲念悉心裨贊乃有蒙成之幸五月閒諸處調發軍馬漸次齊集遂牒本路彭提刑節制山前諸軍就行督捕庶幾事權歸一可以集功某嘗謂士大夫同王事者往往先有功名之念遂生疑忌之心上下自爲謀彼此不相應多致誤事今來管提舶參謀帥幕適與彭提刑素相厚善心志相孚通帥憲兩司之情往來山前

崔清獻公集卷三

七

粵雅堂校刊

議事相與參訂從長而行提刑遇事圖轉區處得宜斯克有濟今寇盜寧息實賴彭提刑山前制勝之功管提舶幕中參謀之助某衰老無能因人成事而不敢沒其實須至申聞者

申石運判李運判黃提舉之功

照對摧鋒軍兵曾忠等因在惠州出成生變輒犯廣州城壁俄而遁去徑入肇慶府橫行于懷集四會開建之郊本司節次調遣韶州駐劄摧鋒軍統制毗富道湖南飛虎軍統制蘇洪飛沿江制司統制陳萬各領所部官軍前去逐處把截又遣廣州水軍潏浦定海水軍控扼肇慶一帶江面緣諸項軍馬分投調遣道途隔驛饋運孔難遂移牒轉